

O'ZBEKISTON RESPUBLIKASI
ADLIYA VAZIRLIGIDA
DAVLAT RO'YXATIDAN O'TKAZILDI
RO'YXAT RAQAMI: 3150
2019yil 12 aprel



**ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ
ЎЗБЕКИСТОН РЕСПУБЛИКАСИ ДАВЛАТ СОЛИҚ ҚҮМИТАСИННИГ
ҚАРОРИ**

Ўзбекистон Республикаси Молия вазирлиги хузуридаги Солик тўловчилар ва давлат солик хизмати органлари ўртасидаги солик низоларини судгача ҳал қилиш кенгаши томонидан солик низоларини кўриб чиқиш регламентини тасдиқлаш ҳақида

Ўзбекистон Республикаси Президентининг 2018 йил 26 июндаги ПҚ-3802-сон “Давлат солик хизмати органлари фаолиятини тубдан такомиллаштириш чора-тадбирлари тўғрисида”ги қарори ва Ўзбекистон Республикаси Вазирлар Маҳкамасининг 2018 йил 9 октябрдаги 812-сон “Ўзбекистон Республикаси Молия вазирлиги хузуридаги Солик тўловчилар ва давлат солик хизмати органлари ўртасидаги солик низоларини судгача ҳал қилиш кенгаши фаолиятини ташкил қилиш тўғрисида”ги қарорига мувофиқ Ўзбекистон Республикаси Молия вазирлиги ва Давлат солик қўмитаси қарор қиласди:

1. Ўзбекистон Республикаси Молия вазирлиги хузуридаги Солик тўловчилар ва давлат солик хизмати органлари ўртасидаги солик низоларини судгача ҳал қилиш кенгаши томонидан солик низоларини кўриб чиқиш регламенти иловага мувофиқ тасдиқлансин.

2. Мазкур қарор расмий эълон қилинган кундан эътиборан кучга киради

Молия вазири



Д. Кучкаров

Тошкент ш.,
2019 йил “21 ” февраль,
16-сон

Давлат солик қўмитаси раиси



Б. Мусаев

Тошкент ш.,
2019 йил “21 ” февраль,
2019-02-сон

Ўзбекистон Республикаси
Молия вазирлиги ва Давлат солиқ
кўмитасининг 2019 йил 21 февралдаги
16 ва 2019-09-сон қарорига
ИЛОВА

**Ўзбекистон Республикаси Молия вазирлиги хузуридаги
Солиқ тўловчилар ва давлат солиқ хизмати органлари ўртасидаги солиқ
низоларини судгача ҳал қилиш кенгаши томонидан солиқ низоларини кўриб чиқиш
РЕГЛАМЕНТИ**

Мазкур Регламент Ўзбекистон Республикаси Президентининг 2018 йил 26 июндаги
ПҚ-3802-сон “Давлат солиқ хизмати органлари фаолиятини тубдан такомиллаштириш чора-
тадбирлари тўғрисида”ги қарори ва Ўзбекистон Республикаси Вазирлар Маҳкамасининг
2018 йил 9 октябрдаги 812-сон “Ўзбекистон Республикаси Молия вазирлиги хузуридаги
Солиқ тўловчилар ва давлат солиқ хизмати органлари ўртасидаги солиқ низоларини судгача
ҳал қилиш кенгаши фаолиятини ташкил қилиш тўғрисида”ги қарорига мувофиқ Ўзбекистон
Республикаси Молия вазирлиги хузуридаги Солиқ тўловчилар ва давлат солиқ хизмати
органлари ўртасидаги солиқ низоларини судгача ҳал қилиш кенгаши (бундан буён матнда
Кенгаш деб юритилади) томонидан солиқ низоларини кўриб чиқиш тартибини белгилайди.

1-боб. Умумий қоидалар

1. Мазкур Регламентда куйидаги асосий тушунчалардан фойдаланилади:
аризачи – Кенгашга солиқ низоларини ҳал қилиш учун мурожаат қилган солиқ
тўловчи, солиқ агенти ва (ёки) солиқ тўловчининг вакили;
- солиқ низоси** – солиқ тўловчилар ва давлат солиқ хизмати органлари ўртасида
(бундан буён матнда тарафлар деб юритилади) юзага келадиган солиқ солиши
объектларини аниқлаш, солиқ солинадиган базани хисоблаш, солиқ ва бошқа мажбурий
тўловлар ставкаларини ҳамда солиқ имтиёзларини кўллаш билан боғлик
келишмовчиликлар.
2. Кенгашнинг тарафлар ўртасида юзага келадиган солиқ низоларини кўриб чиқиш
натижалари бўйича хулосалари тавсия тусига эга бўлади.
3. Кенгаш Ўзбекистон Республикаси Давлат солиқ кўмитасининг Солиқ низоларини
судгача ҳал қилиш бошқармаси томонидан аввал кўриб чиқилган, кўриб чиқиш натижалари
солиқ низосини ҳал қилиш учун Кенгашга мурожаат қилган аризачини қониқтирмаган
ёки қисман қониқтирган солиқ низоларини кўриб чиқиш учун қабул қиласди.

Кенгаш:
кўзғатилган жиноят ишлари доирасида ўтказилаётган солиқ текширувлари бўйича;
солиқ тўловчи солиқ низолари бўйича давлат солиқ хизмати органлари қарорлари,
уларнинг мансабдор шахслари ҳаракати ёки ҳаракатсизлиги устидан судга шикоят қилган
холларда солиқ низоларини кўриб чиқмайди.

4. Кенгашнинг ишчи органи Ўзбекистон Республикаси Молия вазирлигига ташкил
этиладиган Котибият хисобланади.

Котибият:
ариза берувчилар мурожаатларини қабул қиласди ва рўйхатдан ўтказади;
Кенгаш мажлисларига тегишли хужжатлар, шунингдек, Кенгашнинг қарорлари
ва хулосалари лойиҳалари тайёрланишини ташкил қиласди;

солиқ низоларини кўриб чиқиш учун зарур бўлган хужжатларни Кенгаш аъзоларига тарқатади;

Кенгаш хulosаларининг ҳисобини олиб боради ва Кенгаш аъзоларининг солиқ низолари бўйича фикрларини умумлаштиради;

Кенгаш фаолиятини ташкилий-техник жиҳатдан таъминлайди;

Кенгаш, шунингдек, унинг хузурида ташкил этиладиган ишчи ва эксперт гурухлар мажлисларининг баённомалари, стенограммаларини юритади, овозларини ёзиб олади.

Котибият қонун хужжатларига мувофиқ бошқа функцияларни ҳам бажариши мумкин.

2-боб. Аризани тақдим этиш тартиби

5. Аризачи солиқ низосини кўриб чиқиш учун Кенгашга мазкур Регламентнинг иловасига мувофиқ шаклдаги ариза билан мурожаат қиласди.

Аризага куйидаги хужжатлар илова қилинади:

солиқ тўловчини қониктиргмаган ёки қисман қониктирган Ўзбекистон Республикаси Давлат солиқ қўмитасининг Солиқ низоларини судгача ҳал қилиш бошқармаси хulosаси нусхаси;

аризачи солиқ агенти ёки вакил томонидан тақдим этилганда уларнинг ваколатини тасдиқловчи хужжат нусхаси.

6. Аризачи ўз хоҳишига кўра солиқ низоси масаласига алоқадор бўлган бошқа хужжатларнинг нусхаларини ҳам илова қилиши мумкин.

7. Аризачи Кенгашга Ўзбекистон Республикаси Молия вазирлигининг расмий веб-сайти орқали электрон шаклда мурожаат қилиш хукуқига эга.

3-боб. Аризани қўриб чиқиш тартиби

8. Кенгашга солиқ низоси юзасидан келиб тушган аризалар Ўзбекистон Республикаси Молия вазирлигининг Жисмоний ва юридик шахслар мурожаатлари билан ишлаш бўйича бўлими томонидан бир иш куни давомида Котибиятга киритилади.

9. Котибият келган аризаларни рўйхатдан ўтказади ва бир иш куни давомида ариза ва унга илова қилинган хужжатлар мазкур Регламентнинг 2-боби талабларига мувофиқлигини текширади. Ариза ва унга илова қилинган хужжатлар мазкур Регламентнинг 2-боби талабларига мувофиқ бўлган тақдирда Котибият бир иш куни давомида Кенгаш мажлисларига тегишли хужжатларни тайёрлайди.

10. Ариза мазкур Регламентнинг 2-боби талабларига мувофиқ эмас деб топилган тақдирда Котибият аризани қабул қилишни рад этади ҳамда Кенгаш раиси ва аризачига ёзма шаклда маълум қиласди.

11. Котибият Кенгаш аъзоларини ва манфаатдор шахсларни Кенгаш мажлиси ўтказилиши мўлжалланган кундан беш кун аввал хабардор қиласди.

12. Солиқ низоси Кенгаш томонидан ўн беш кун ичидаги, қўшимча ўрганиш ва (ёки) текшириш, қўшимча хужжатларни сўраб олиш талаб этилганда эса, бир ойгача бўлган муддатда кўриб чиқилади.

Айрим ҳолатларда солиқ низосининг мураккаблигига қараб, солиқ низоси билан боғлиқ хужжатларни Кенгаш томонидан ташкил этиладиган ишчи ёки эксперт гурухлари томонидан қўшимча ўрганиш, ваколатли органлардан хulosалар олиш талаб этилганда, солиқ низосини кўриб чиқиш муддати истисно тариқасида Кенгаш раиси томонидан узоги билан бир ойга узайтирилиши мумкин, бу ҳакда Котибият томонидан аризачига ёзма шаклда хабар қилинади.

4-боб. Кенгаш мажлисини ўтказиш тартиби

13. Кенгаш мажлислари қоида тариқасида бир ойда камида икки маротаба ўтказилади. Кенгаш мажлисими сиртдан ўтказилишига йўл қўйилмайди.

14. Кенгаш фаолияти қарорлар қабул қилишда тенг хукуқлилик ва коллегиаллик тамойилларига асосланади.

15. Кенгаш мажлисими раис олиб боради, раис қатнашмаган ҳолларда эса – раис ўринбосари олиб боради. Кенгаш мажлиси Кенгаш аъзоларидан камида учдан икки қисми қатнашайтган бўлса ваколатли ҳисобланади.

16. Кенгаш мажлиси Кенгаш раиси томонидан Кенгаш аъзоларини мажлис кун тартиби билан таништиришдан бошланади.

17. Ҳар бир солик низоси Кенгаш томонидан мажлис залига тарафларни таклиф этилган ҳолда алоҳида кўриб чиқилади. Кенгаш аъзолари тарафларнинг важлари ва сабабларини эшитади, тақдим этилган ҳужжатларни, ваколатли органлар, мутахассис ва эксперталарни хulosаларини ўрганади.

18. Кўрилаётган солик низолари бўйича Кенгаш қарорлари оддий кўпчилик овоз билан қабул қилинади ва Кенгашнинг хulosаси тарзида расмийлаштирилади. Овозлар тенг бўлган ҳолларда Кенгаш раисининг ёки Кенгаш мажлисига раислик қилувчининг овози ҳал қилувчи овоз ҳисобланади.

Кенгашнинг ҳар бир аъзоси қабул қилинаётган қарорлар бўйича ўзининг алоҳида фикрини ёзма равишда билдиришга ҳақли.

19. Зарур бўлган ҳолларда, қонун ҳужжатларига мувофиқ Кенгаш мажлислари видео ёки аудио ёзувга туширилиши мумкин.

20. Кенгаш хulosалари Кенгаш мажлисининг баённомаси билан расмийлаштирилади. Кенгаш мажлисининг баённомаси Кенгаш мажлисига раислик қилувчи томонидан тасдиқланади.

21. Кенгаш мажлисининг баённомаси куйидагиларни ўз ичига олиши лозим:

Кенгашни ўтказиш вақти, санаси ва жойи ҳамда Кенгаш кун тартиби;

хозир бўлган ва қатнашмаётган Кенгаш аъзолари сони, шунингдек таклиф этилган шахсларнинг сони;

тарафларнинг номи, тарафларнинг иштироки тўғрисидаги маълумотлар, тарафларнинг вакиллари, мутахассис ва эксперталар ҳамда Кенгаш мажлисининг бошқа иштирокчилари тўғрисидаги маълумотлар;

Кенгаш мажлисида сўзга чиқсан, шунингдек, тарафларга сўровлар йўллаган ёки саволлар берган (ёзма ёки оғзаки шаклда) Кенгаш аъзоларининг Ф.И.О. ва лавозими;

Кенгаш мажлисининг ўтиши тўғрисида кисқача таъриф, тарафларнинг важлари, Кенгаш аъзолари, таклиф этилган мутахассис ва эксперталарнинг фикрлари;

солик низоси бўйича мутахассис ва эксперталарнинг хulosалари;

Кенгаш аъзоларининг, тарафлар ҳамда улар вакилларининг имзолари;

қарор қабул қилган Кенгаш аъзолари сони ҳамда “ёқлайман”, “қаршиман” ёки “бетарафман” деб берилган овозлар сони.

Баённомада Кенгаш кун тартибиага кўйилган солик низоларининг моҳияти очиб берилади, Кенгаш мажлиси давомида ўтказилган мухокамалар кисқача баён этилади, шунингдек Кенгаш кун тартибидаги масалалар юзасидан овоз бериш якунлари қайд этилади.

22. Кўриб чиқилган солик низолари бўйича Кенгашнинг хulosаси, у тасдиқланган пайтдан бошлаб бир иш куни мобайнида солик низоси тарафларига юборилади.

5-боб. Якуний қоидалар

23. Мазкур Регламент талаблари бузилишида айбдор бўлган шахслар қонун хужжатларида белгиланган тартибда жавоб берадилар.

24. Мазкур Регламент Ўзбекистон Республикаси Савдо-саноат палатаси билан келишилган.

Савдо-саноат палатаси раиси

✓ 201 йил "21" февраль



А. Икрамов

Ўзбекистон Республикаси Молия вазирлиги
хузуридаги Солик тўловчилар ва давлат солик
хизмати органлари ўртасидаги солик низоларини
судгача ҳал қилиш кенгаши томонидан солик
низоларини кўриб чиқиш регламентига
ИЛОВА

Ўзбекистон Республикаси Молия вазирлиги
хузуридаги Солик тўловчилар ва давлат
солик хизмати органлари ўртасидаги солик
низоларини судгача ҳал қилиш кенгаши
раисига

(Ф.И.О.)

дан

(аризачининг Ф.И.О. тўлиқ кўрсатилади)

**Солик низоларини кўриб чиқиш учун
АРИЗА**

Сиздан

(Ф.И.О. (жисмоний шахс бўлса), юридик шахс ёки якка тартибдаги тадбиркор номи)

ва

(солик органи номи)

ўртасидаги

(низо масаласи кўрсатилади)

масалани кўриб чиқишга қабул қилишингизни сўрайман.

Мазкур солик низоси қўзғатилган жиноят ишлари доирасида ўтказилаётган солик текширувлари бўйича эмаслигини ва ушбу низо бўйича судга шикоят қилинмаганлигини тасдиқлайман.

Илова: _____ варакда, жумладан:

1. Солик низосининг тафсилотлари _____ варакда;

2. _____ варакда;
(илова номи)

3. _____ варакда;
(илова номи)

4. _____ варакда;
(илова номи)

5. Ариза солик агенти ёки солик тўловчи вакили томонидан тақдим этилганда уларнинг ваколатини тасдиқловчи хужжат нусҳаси _____ варакда.

6. Аризачи ҳоҳишига кўра, унинг масаласига алоқадор бошқа хужжатлар нусҳалари _____ варакда.

(Ф.И.О.)

(имзо)

(сана)

Аризачининг почта манзили (тўлиқ): _____

Аризачининг электрон манзили ва телефон рақами:
